



Acc No. 2725/10

Class No. \_\_\_\_\_

Author \_\_\_\_\_

Title Ka Riti - Shnong

Borrower's No.	Due Date	Borrower's No.	Due Date

Acc. No. 2725/10


**STATE CENTRAL LIBRARY**  
**GOVERNMENT OF MEGHALAYA**  
**SHILLONG**

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil; tearing or taking out its pages or otherwise damaging it will constitute an injury to a book.
4. Any such injury to a book is a serious offence. Unless a borrower points out the injury at the time of borrowing the book, he shall be required to replace the book or pay its price.

**Help to keep the book fresh and clean**

# JINGKDEW (INDEX)

Contents	Article	Page
1. Kyteng/jingtreikam ka Riti ..	I	1
2. Jigbatai ktien ..	II	1
3. U Pud u sam ka shnong ..	III	2
4. Dorbar ..	IV	2
5. Dorbar shnong ..	V	3
6. Execut ve Committee ..	VI	5
7. Dorbar U Rangbahshnong ..	VII	7
8. Rangbah Nongkitkam ..	VIII	8
9. Fund shnong ..	IX	8
10. Rangbahshnong ..	X	11
11. Chairman ..	XI	11
12. General Secretary ..	XII	12
13. Assistant Rangbahshnong ..	XIII	12
14. Trea u cr ..	XIV	12
15. Assistant Genera' Secretary ..	XV	13
16. Umbam umdih ha shhng ..	XVI	13
17. Aiwai Ing ha shnong ..	XVII	14
18. Ka iapbriew ha shnong. ..	XVIII	15
19. Lum Jingtep/Jingthangshnong ..	XIX	17
20. Snemtreakam ..	XX	17
21. Ki Dulir ..	XXI	17
22. Committee Iasylok ..	XXII	17
23. Ki Block ..	XXIII	18
24. Ka kuna ..	XXIV	19
25. Kynto Shnong ..	XXV	19
26. Jingpynkhuid/pynbha lynti syngkien shong ..	XXVI	19
27. Die Ing die sem ne jaka puta ..	XXVII	20
28. Jnngaitikam ak Executive Committee ..	XXVIII	21
29. Kyiad bad Khalai ..	XXIX	21
30. Ki Senj ..	XXX	22
31. Ki khlaw ki btap ..	XXXI	22
32. Ka Jingai jingbit ha Kaba thawing thawsem ..	XXXII	23
33. Amendements ..	XXXIII	23





## **KA RITI (CONSTITUTION) JONG KA SHNONG MADANRTING MYLLIEM SYIEMSHIP :**

### **KA LAMPHANG**

Ma ngi ki nongshong shonong shongthaw ka shnong Madanrting, kiba long ruh ki khun Khasi-Pnar, haba ngi la pyrkhath sani bha bad bishar bniah ia la ka jong ka shnong ka thaw ha baroh ki liang, ngi sngewdei ba ngin teh ia lade ha ki dustur bad rukom pyniaid shnong khnang ba ngin lab ban iaid shaphrang ha ki liang baroh khamtam eh ha ka Imlang sahlang. Kumta na ka bynta ka jingryntih ka shnong ka thaw bad ki jingmanbha kyllum jongka, ngi thaw bad sain dur ia kane ka Riti ba kan long ka jingteh ia ngi bad ki pateng jongngi.

### **ARTICLE I**

1. Ia kane ka 'RITI' yntip kum ka RITI KA SHNONG MADANRTING.
2. Ka jingtrei kam jongka kan long hapoh u pud u sam ka shnong Madanrting.
3. Kane ka RITI kan treikam naduh kata ka sngi ba ka dorbar shnong ka sngewdei ban buh tarik ba kan trei kam

### **ARTICLE II**

Kine harum ki long ki jingbatai ktien kat kum kane ka Riti lynda don kano kano kawei pat kaba pyrshah ia ki :-

- (a) "Dorbar/Shnong" ka mut ka dorbar jong ka shnong Madanrting.
- (b) "Ka Dorbar ki Longsan" lane "Executive Committee" ka mut ka dorbar ki longsan ne ka Executive Committee ka shnong Madanrting.
- (c) "Ka Dorbar U Rangbahshnong" ka mut ka Dorbar bishar kam bishar jam ha kaba u Rangbahshnong ulong u nong pyniaid jongka hapoh ka shnong Madanrting.

- (d) "Fund Shnong" ka mut ka pisa tyngka jong ka shnong Madanrting.
- (e) "Khasi-Pnar" ka mut u Khasi-Pnar ba la ithuh kat kum ka Constitution ka Ri India.
- (f) "Trai shnong nong-shong shnong" ka mut :—
  - (i) Uno uno u Khasi-pnar uba la kha ha shnong Madan rting uba da shong shnong shong thaw haka bad uba shim bynta ha ki kam shnong kam thaw.
  - (ii) Uno uno u shongkha uba long u khun Khasi-Pnar ha shnong Madanrting.
- (g) "Dpei Ing" ka mut ka ing kaba don la la ka jing-pyniaid bad la ka jong ka jingshet jingtiew. Kum ka nongmuna, ha kawei ka ing don saw kamra ba'a shong da ki sawkynrad, kumta man la ka kamra kadeika Dpei Ing.

### ARTICLE III

#### U PUD U SAM :

U Pud synshar kha dar ka shnong Madanrting u long kumte : Na Lum Khyllon u pud u suh sha kjat RamSah bad na Sohphoh-dkoh u suh sha mynsiagn Lawjynriew. Na mynsain Lawjynriew u suh sha .Dem hring (Na Demthring u suh sha mynsain Khyriem bad Kharkongor ia shem bad ka surok Shillong-Jowai (pyrshah skul Basic Madanrting) nangta u suh sha Bandstand bad ia kynduh bad ka Surok Happy-valley (kaba sharum) bad suh ter ter sha Wah-tipthoh. Na Wah-tipthoh sha Assam Rifle bad na Assam Rifle sha Um-khen bad sha lum Khyllon.

### ARTICLE IV

.....  
Kine harum ki, long ki Dorbar pyniaid ka pyniaid jam hapoh ka shnong Madanrting :—

1. **Dorbar Shnong :** Kane ka long ka bor kaba ha khlieh duh ha ka jing pyniaid ia ki kam ki jam ka shnong.
  2. **Dorbar ki Longsan lan: ka Executive Committee :** Kane ka long ka bor kaba kham hapoh ka Dorbar Shnong ha ka jingpyniaid ia ki kam ki jam ka shnong.
  3. **Dorbar u Rangbah-shnong :** Kane ka long ka bor bishar kam bishar jam ha shnong Madanrting ha kaba u Rangbahshnong u long u khlieh nongpyniaid jongka.
- Ka jinglongdkhot, ka bor trei kam bad ki kamram jong kitei ki Dorbar kin long kat kumba la kdew ha ki article kiba bud.

## ARTICLE V

### **DORBAR SHNONG :**

1. Ym judon ha ka riti dustur khasi ba ka kynthei briew kan long ka dkhot bad nongiashim bynta ha ka Dorbar Shnong. Kumta ka Dorbar shnong kan ky. hup tang ia kine harum .—
  - (i) Baroh ki Rangbah Nongkitkam ba la jied da ka Dorbar Shnong.
  - (ii) Baroh ki Rangbah Nongmihkhmat sha ka Executive Committee ba la jied da ka Dorbar shnong ne ka Executive Committee.
  - (iii) Uwei pa uwei u khmat Rangbah<sup>na</sup> kawei pa [kawei pa kawei ka Dpei Ing ha shnong uba long u [khua Khasi-pnar bad uba la palat ia ka 18 (Khadphra) snem ka rta la u long u traishnong nonjshong shnong ne nongshongwai ha shnong.
2. Ka Dorbar shnong kan kynthup ar rukom ki Dorbar kumne harum :
  - (i) Ka Dorbar ba shisien shisnem bad ki kam jongka kiong kumne :
    - (a) Ban jied ia ki Rangbah Nongkitkam ka shnong
    - (b) Ban jied ia ki Rangbah Nongmihkhmat sha ka Executive Committee.
    - (c) Ban tuklar ia ka report trei kam bad jingkhie jingdiah ka Executive Committee.

- (d) Ban bsuh, weng ne thaw thymmai ia kano kano ka kyndon jingteh ha ka Riti Shnong lada donkam.
  - (e) Ban thaw ki lad ki lynti kumno ban pynheh ia ka Fund Shnong.
  - (f) Ban thung ia ki Committee na ka bynta kino kino ki kam lada donkam.
  - (g) Ban ukklar ia kino kino ki kam ba wan rah ka Executive Committee.
  - (h) Ban tuklar ia kino kino ki kam ba wan rah ka Dorbar u Ran bah Shnong.
  - (i) Ban tait shnong ia uno uno ne kano kano ka briew uba ne kaba ka jingleh jong u ne jongka ka long kaba pyrshah ne mynsaw ia ka imlang sahlang ka shnong ka thaw.
  - (j) Ban tuklar ia kiwei kiwei pat ki kam ia kiba ym shym la iohi lypa hangne lane kiba donkam na ka bynta jong ka imlang sahlang ka shnong baroh kawei.
- (i) Ka Dorbar Pyrkhat kam bad ki kam jongka ki long kumne :
- B n l h ia baroh ki kam ia kiba la kdew ha ka subsection (i) haneng lait noh ki clause (a) haduh (d).
3. Ka Dorbar ia kaba la kdew kat kum ka Section 2(i) haneng kan shong man u snem kata la kumno kumno ha u bna uba kut jong u snem trei kam.
  4. Ka Dorbar ia kaba la kdew kat kum ka Section 2 (ii) haneng kan shong ha kano kano ka por ha kaba u Rangbahshnong lane ka executive Committe ki sngew-donkam ban khot ia ka.
  5. Uno uno u dkhot jong ka Dorbar Shnong ia uba la kdew kat kum ka Section 1 jong kane ka Article uba pep sha ka Dorbar shnong khlem ki daw kiba shnongnia yn pynshitom ia u da kaba shainkuna kne da kumwei pat kat kum ka jingpynshongdor bad jingsngewbit kata ka Dorbar ha kaba u pep.
  6. Yn ym pynlong Dorbar shnong ha ka sngi U Blei lane ka sngi (Sunday).
  7. Ia ki jingrai ne jingiakut baroh ha ka Dorbar shnong dei



ban thoh ha ka Bui (Register) ha kaba yn soi ne shonkti da baroh kiba wan sha ka Dorbar.

8. Ka Executive Committee kan thaw ia ki lad shaphang ka rukom khot ia ka Dorbar shnong bad ban buh ia ka jaka ban pynlong ia ka
9. Uno uno u dkhoh ka Dorbar shnong u bym lah ban poi sha ka Dorbar shnong u donkam ban pyntip ryngkat bad ki daw kiba shongnia sha kito ki Nongmihkhmat sha ka Executive Committee na ka Block ha kaba ki ki shong.
10. Uno uno uba wan sha ka Dorbar shnong udei ba shong haduh ban da wai ka Dorbar bad ban soi ne shonkti hadien ba la wai ka Dorbar. Uno uno uba mih ne phet na ka Dorbar khlem da iohbor na u Chairman yn khein ia u kum uba pep sha ka Dorbar.
11. Ki Rangbah-nongmihkhmat na ki Block sha ka Executive Committee ki dei ban shim ia ka kyrteng jong kito kiba dei ban wan sha ka Dorbar shnong na ka Block shwa ban long ka Dorbar bad ban pyntip ha khmat ka Dorbar ia kito kiba pep khlem ki daw kiba shongnia
12. Uno uno uba krenbein, lehbein, pynwit, kren ki ktien sniew ne pynklumar ia ka Dorbar shnong yn pynshitom ia u ha kano kano ka rukom kat kum ka jingsngewbit kata ka Dorbar hi.
13. Uno uno uba wan sha ka Dorbar shnong udei ban kohnguh ia ka jngpyniaid u Chairman bad lada u pyrshah ia kata yn niew bad pynshitom ia u kat kum ka Section 12 haneng.
14. Uno uno u dkhoh jong ka Dorbar shnong u dei ban rah bad pynnoh u bai synniang Dorbar man ba long ka Dorbar Shnong bad ia ka bai synniang yn pynshongdor da ka Executive Committee bad mynjur da ka Dorbar.

## ARTICLE VI

### KA DORBAR KI LONGSAN NE KA EXECUTIVE COMMITTEE

1. Ka Executive Committee kan kynthup ia kine ki dkhoh harum :—
  - (i) Baroh ki Rangbah Nongkitkam kat kum ka Article VII.

- (ii) 6 (hynriew) ngut ki Rangbah Nongmihkhmat kata ar ar ngut na kawei ka Block ba la kdew kat kum ka Article XIII ia kiba la jied da ka Dorbar Shnong kat kum ka clause (b) Subsection 2(i) Article V.
- (iii) Uwei u dkhot ia uba ynjied da ka Executive Committee.
2. Ki dkhot ka Executive Committee kat kum ka Section 1 haneng kin noh ha ka kam 3 (lai) snem naduh ka sngi ba la jied ne thung ka Dorbarshnong/Executive Committee. Lah ruh ban jied pynthymmai biang ia ki lada ka Dorbarshnong/Executive Committee ka ibit.
  3. Ka Executive Committee kan long ka Nongbthah, Nong-aijingmut bad Nongiatrei ryngkat bad u Rangbahshnong ha ka jingpyniaid ia ki kam shnong kam thaw.
  4. Ka Executive Committee kan pyndep ruh ia kino kino ki kam kiba ka Dorbor shnong ka bthah ne pynkhamti ha ka.
  5. Ka Executive Committee kan ai (i) ka Report trei kam jongka kaba shisien shisnem (ii) ka Report jingkhein jingdiah jong ka Fund shnong ba la dep Audit sha ka Dorbar shnong ba shisien shisnem (Section 2 (i) Article V).
  6. Ka Executive Committee kan peit bad pyniaid ia baroh ki kam kiba iadei ha ka imlang sahang ka shnong kum ka Umbam Umdih, Lynti syngkien shnong, ka shongshn-gain ka shnong ka thaw, ka koit ka khiah, ka Fund shnong, ki skul shnong, ki mar nongkynti ka shnong bad kiwei kiwei de kiba dei na ka bynta ka shnong ia kiba ym shym la kdew hangne. Ka Executive Committee ka lah ruh ban thaw ki kyndon jingteh (rule) kiba ym pyr-shah ia kane ka Riti na ka bynta ka jingroi bad jingiaid shaphrang jongki. Ka lah ruh ban thung ki Committee ban peit bad pyniaid ia ki.
  7. Ka Executive Committee kan thung ia u Auditor u ban Audit ia ki jingkhein jingdiah ka shnong napdeng kito ki briew kiba la bit ban shong ne shimbynta ha ka Dorbar shnong tang ba umdei ban long u dkhot ka Executive Committee. Un neh lai snem ha ka kam jongu naduh ka sngi ba thung ia u bad lah ruh ban jied pynthymmai biang ia u, lada ibit.

8. Ka Executive Committee kan thung dkhoh Nongmihkhmat thymmai sha ka Executive Committee lada jia ba uno uba la thung ne jied da ka Dorbarshnong umlah ne bit shuh ban long dkhoh na kano kano ka daw. Uta u dkhoh ia uba la jied ha kata ka rukom un neh ka jing longdkhoh tang kat kum ka por jong uto uba la ieh noh ia ka jinglong dkhoh.
9. Ka Executive Committee kan thung ia u Acting Rangbahshnong katba ym pat ioh ban thung ne jied thymmai da ka Dorbar shnong lada jia ba u Rangbahshnong uba long umlah shuh ban kit ia ka kam na kano kano ka daw.
10. Ka Executive committee ka lah ban thaw ia ki kyndon jingteh (rule) na ka bynta ka jingtrei kam jongka tang ba kim dei ban pyrshah ia ka Riti.
11. 5 (San) ngut na ki dkhoh jong ka Executive Committee kin pynlong ia ka quorum jong ka Committee.
12. Ka Executive Committee kan buh por, tarik bad jaka na ka bynta ban pynlong ia ka Dorbar shnong.
13. Uno uno u dkhoh u bympoi lai sien lynter sha ka jingialang jong ka Executive Committee haba u don ha shnong hynrei u khlem ai kano kano ka jingpyntip yn weng noh ia u na ka jinglong dkhoh na ka Executive Committee bad ka Executive Committee ka lah ban thung thymmai ha ka jaka jingu.
14. Baroh ki rai ne jingiakut ka Executive Committee dei ban da thoh ha ka Bui (Register) ha kaba ki dkhoh ba poi sha ka committee kin soi ne shonkti hadien ba la wai ka committee.

## ARTICLE VII.

### KA DORBAR U RANGBAH SHNONG :

1. Kane ka del ka Dorbar Bishar ia kano kano ka kam ia kajia majia ha shnong ne ka jingpynkhein ne lehpyrshah ia ka Riti shnong.
2. Kane ka Dorbar kan kynthup ia u Rangbahshnong kum u nongpyniaid jongka bad ymduna na ki arngut ki dkhoh

ka Executive Committee ia kiba u Rangbahshnong u'ah ban khoi kat kiba u sngewbit na pdeng ki dkhoh ka Executive Committee.

3. Hapoh shnong ka rai jong anke ka Dorbar halor ki kam kiba la kdew kat kum ka Section 1 haneng ki long kaba kut.

## ARTICLE VIII.

### RANGBAH NONGKITKAM :

1. Kine harum kin long ki Rangbah Nongkitkam ka shnong :  
(i) Rangbah shnong (ii) Chairman (iii) General Secretary (iv) Assistant Rangbahshnong (v) Treasurer (vi) Assistant General Secretary.
2. Baroh ki Rangbah Nongkitkam ki dei ban long ki khasi Pnar bad long ruh u trai shnong nongshong shnong ka shnong Madanrting.
3. Uno uno u Rangbah Nongkitkam ba la kdew ha ka Section 1 haneng lah ban weng noh ia u na ka kam ha kano kano ka por da ka Dorbar shnong lada shem ba u da pyrshah bad pynkhein ia ka Riti Shnong.

## ARTICLE IX

### FUND SHNONG :

1. Kan don ka Fund hapoh ka shnong Madanrting ia kaba ynkhot kyrteng "KA FUND SHNONG". Ia ka ynbynta ha kine ki mat harum :—  
(i) Ka Fund Um (ii) Ka Development DFun bad (iii) Ka Working Fund.
2. Ka jingpynmih ia ka Fund shnong kan long kumne harum :  
(i) Fund Um :  
(a) Da kaba lum synniang naman kawei pa kawei ka Dpei Ing ha shnong lait noh kito ki Dpei Ing kiba ka Dorbar shnong ne ka Executive Committee ki snggewdei ban nym shim. Ia ka dor u synniang bad ka rukom ban lum ia u ban ka Executive Committee kan pynbeita ha kawei ka por sha kawei pat.

- (b) Da kino kino ki lad kiba ka Dorbarshnong ne ka Executive Committee ki sngewdei ban lum.
- (ii) **Development Fund :**
- (a) Da kaba lum synniang naman kawei pa kawei ka Dpei Ing lait noh kito kiba ka Dorbarshnong ne ka Executive Committee ki sngewdei ban nym shim. Ia ka dorbur synniang bad ka rukom ban lum ia u, ka Executive committee kan pynbeit na kawei ka por sha kawei pat.
- (b) Da kino kino ki lad kiba ka Dorbarshnong ne ka Executive Committee ki sngewdei ban lum.
- (iii) **Working Fund :**
- (a) Na u Synniang Dorbar shnong.
- (b) Na ki kuna kiba la buh kat kum ka Riti.
- (c) Ka bai rungshnong na kito ki soh-shnong kiba wan thaw ing thymmai ha shnong.
- (d) Ka Interest ha Bank kaba mih na ka Fund shnong.
- (e) Ka bai recommend ia ki license dukan na kito kiba dei ban da ioh License.
- (f) Kaba die ia ka Riti Shnong.
- (g) Na kiwei kiwei pat ki lad kiba ka Dorbar shnong ne ka Executive Committee ki sngewdei ban pynmih.
3. Yn pyndonkam ia ka Fund shnong ha kine ki bynta harum
- (i) **Fund Um :** Na ka bynta kano kano ka jingdonkam kaba iadei bad ka umbam umdih ha shnong.
- (ii) **Development Fund :** Na ka bynta kano kano ka jingdonkam kaba iadei bad ka jingpynroi ne pynbha (Development) ia ka kam shnong kam thaw.
- (iii) **Working Fund :**
- (a) Ka jinglut na ka bynta ka leit ka wan na ka bynta ka kam shnong ba la bthah da ka Dorbar shnong lane ka Executive Committee.
- (b) Ha kaba thied ia ki kot ki sla bad ki tiar ki tar kiba iadei bad ka kam Office ka shnong.
- (c) Haba don ka Fund, kum ka dak ka jingsngew burom dei ban ai burom ia ki Rangbah Nongkitkam, Rangbah Nongmihkhmat sha ka Executive Committee bad u Auditor.

(d) Kiwei kiwei ki kam kiba ka Executive Committee ka sngewdei ban pynlut.

4. Yn ym lah ban pynlut na ka bynta ki jingdonkam jong kawei ka mat sha kawei pat ka mat jong ka Fund shnong khlem ka jingaibor ka Executive Committee bad mynjur da ka Dorbarshnong.
5. Ia ka Fund shong yn buh ha kano kano ka Bank Sor-kar ha kaba ka jingthep bad jingsei pisa kan long da ka jingsoi lang hagdeng u Treasurer bad u General Secretary.
6. U General Secretary un buh ka bui jingkhein jingdiah jong ka Fund shnong ha la ka jong ka jong ka mat.
7. Ka Executive Committee kan rai na kawei ka por sha ka wei pat katno ka Fund shnong ba u Tereasurer u lah ban bat ha ka kti jongu na ka bynta ki kam kiba kyrkieh.
8. Yn ym lah ban pynrung ha ka Cash Book ia kano kano ka pisa tyngka kaba iadei bad ka Fund shnong khlem ka jingtip u General Secretary.
9. Kano kano ka jingmih ne jingpynlut ha bad na ka Fund shnong dei ban da soi u General Secretary.
10. 50% na ka bai recommend ia ki license dukan na kito kiba dei ban da ioh License kan leit sha u Rangbah-shnong bad 50% kan leit sha ka Fund shnong.
11. Ka bai rung shnong na kito ki soh shnong kiba wan thaw ing thymmai ha shnong kan leit sha ka Fund shnong bad ia ka dor jong ka bairung, ka Executive Committee kan buh dor na kawei ka por sha kawei pat.
12. Kino kino ki jinglut kiba iadei bad ka Fund shnong lane jingmih dei ban da kyrshan da ki Risit. Ha kano kano ka jingpynlut lada jia ba ymlah ban ioh receipt dei ban da ai da ki daw kiba shong nia.
13. Haba don ka Fund, dei ka Executive Committee ka ban pyrkhat bad bate katno yn ai burom ia ki Rangbah kat kumba la kdew ha ka Section 3 (iii) (c) bad ia kata yn mynjur da ka Dorbar shong.
14. Kino kino ki jinglut na ka Fund shnong lait noh na ka jinglut kaba dei bad ka leit ka wn na ka bynta ka kam shnong, ki kot ki sla ki tiar ki tat kiba iadei bad

ka kam Office ka shnong bad ki kam kiba ky.kieh, dei ban da ioh ka bor bad jingmynjur ka Executive Committee.

## ARTICLE X.

### RANG BAH SHNONG :

1. U long u Rangbah nongpyniaid ia ki kam ki jam jong ka shnong uba ha khlieh duh ha ka liang ka synshar bad ka bisbar ha shnong.
2. Un lum ia ka Dorbar shnong da ka jingbthah bad jingai jingmut ka Executive Committee.
3. Un pyndep ia ki kam kiba ka Dorbar shnong ne ka Executive Committee ki ai bor ha u.
4. U Rangbahshnong ulah ban lum hi ia ka Dorbar shnong lada don ki kam kiba donkam bad kyrkieh eh tang ba u dei ban da ai ki daw ha khmat ka Dorbar shnong balei ba um lah ban da ioh ia ka jing bthah bad jingmynjur ka Executive Committee.
5. U Rangbah shnong un pynshitom kat kum ka ain shnong lada un shem iano iano ba leh pyrshah ne pynkhein ia ka Riti shnong.

## ARTICLE XI.

### CHAIRMAN :

1. U long u Rangbah nongpyniaid baha khliehduh ia ka Dorbar shnong bad ka Executive Committee.
2. U lah ban pdiang ne kyntait ia kano kano ka matjing-pyrkhatkam (Agenda) lada u shem ba kata kam ia hap ha ka bor ban pyrkat da ka Dorbarshnong ne Executive Committee.
3. Lada u Chairman um lah banpoi sha ka Dorbar shnong ne Executive Committee na kano kano ka daw, kata ka Dorbar shnong ne Executive Committee na kano kano jied napdeng ki dkhon jongka fian long u Charirman jong kata ka Dorbar shnong ne Executive Committee.

## ARTICLE XII.

### GENERAL SECRETARY :

1. Un long u nongiarap ia u Rangbah shnong ha ka jing-pyniaid ia baroh ki kam shnong kam thaw.
2. Un khot ia ka jingialang ka Executive Committee hadien ba u la ia syllok ia u Rangbahshnong bad u Chairman.
3. Un buh jingthoh ia ki rai ne jingiakut ka Dorbar shnong ne ka Executive Committee.
4. Un nang pyndep ia ki jingthoh jingtar ki kam ka shnong kiba iadei bad kiwei kiwei pat ki bor ne ki kam ha shnong ia kiba'la bthah ne rai ka Dorbar shnong bad ka Executive Committee.
5. Un buh ryntih ia ki jingkhein jingdiah ka Fund shnong. Ka jing buh ne jingsei pisa na ka Fund shnong kin long lyngba jongu.
6. Un peit ruh ia ka jingtrei kam jong kiwei kiwei ki Committee kiba la thung da ka Dorbar shnong ne Executive Committee bad un lum ia ka jingdonkam bad report trei kam na ki.

## ARTICLE XIII

### ASSISTANT RANGBAH SHNONG :

1. Un long u nongiatrei bad nongiarap ia u Rangbahshnong ha ki kam shnong kamthaw.
2. U lah ban nangkhamih, nangpyniaid bad bishar ia ki kam shnong kam thaw ia kiba la aibor ha u da u Rangbahshnong bad da ka jingthoh.
3. Un shimti shipor ia ka kam u Rangbahshnong lada jia ba u Rangbahshnong um lah ban trei ia ka kam Rangbahshnong na kano kano ka daw.
4. Un trei ruh ia kano kano ka kam kaba ka Dorbar shnong ne Executive Committee ka pynkhamti hau.

## ARTICLE XIV.

### TREASURER

1. U long u nongri nongdup ia ka Fund shnong.



2. Un bat ia ka Deposit Book, Cheque Book bad Pass Book kaba iadei bad ka Bank na ka bynta ka Fund shnong.
3. Un don ruh ka Deposit Book kaba iadei bad ka Fund shnong na ka bynta ka jingwan bad jingmih ka pisa sha bad na ka kti jongu.

## ARTICLE XV

### ASSISTANT GENERAL SECRETARY :

1. Un long u nongiatrei ryngkat bad nongiarap ia u General Secretary.
2. Un trei ruh ia kano kano ka kam kaba ka Dorbar shnong ne ka Executive Committee ka pynkhamti ha u.
2. Un shimti ruh ia ka kam u General Secretary tad haduh ba ka Dorbar shnong ka pyrkhat da kumwei pat, lada jia ba u General Secretary um lah ban trei shuh ia ka kam na kano kano ka daw.

## ARTICLE XVI.

### KA UMBAM UMDIH HA SHNONG :

1. Kan don ka Committee ia kaba yntip kum "KA WATER SUPPLY COMMITTEE" kaba dei ban peit bad pyniaid ia ka Umbam Umd h ha shnong hapoh ka jingpeit jong ka Executive Committee Ka Executive committee kan jied ia ki dkhot bad nongkitkam kane ka Committee napdeng ki dkhot jingka bad lah ruh ban jied ia ki bymdei ki dkhot jongka na pdeng kito kiba long ki dkhot ka Dorbar shnong ban long dkhot ha kane ka Committee Kane ka Committee kan ai jingmut sha ka Executive Committee shaphang baroh ki kam kiba iadei bad ka umbam umdih ha shnong.
2. Ka Water Supply Committee kan thung ia ki Rangbah nongpeit bad nongpyniaid ia ka umbam umdih ha shnong napdeng ki dkhot jong ka ki ban peit bad pynbha ia ka jingsniew ki kor um, pipe um, pung ne shyngiar shnong bad ruh ka jingsam ryntih ia ka um ha shnong. Kan thung ruh ia u Nongpilie bad Nongkhangum tada idon kam.

3. Ka Executive committee kan mang pisa na kawei kapor sha kawei pat na ka bynta ka jingpynlut ka Water Supply Committee.
4. Ymbit mano mano run ban loit ne law ne pynjot ia ki kor um, pipe um, pungum ne shyngiar umdih tyi-long-um ka shnong khlem da ioh bor na ka Executive Committee ne na uno uno u bri w uba la thung da ka Committee. Lada shem iano iano ba leh pyrshah ia kane u Rangbahshnong un pynshitom kat kum ka bor ba la pynkup ha u.
5. Ym bit mano mano ruh ban sait khiew sait pliang, sait jain sait nep ne kano kanio ka jingsait tar, sum sleh ha ki kor um ne shyngiar umdih ka shnong. Kino kino kiba leh pyrshah u Rangbahshnong un pynshitom kat kum ka bor ba la pynkup ha u.
6. Ka Executive Committee kan thaw ruh ia ki kyndon jing-teh lada idonkam ha ka jingiadei bad ka Umbam Umdih ha shnong.

## ARTICLE XVII

### KA AIWALINGHASHNONG :

1. Kino kino kiba kwah ban wan shongwai ha kano kano ka ing hapoh shnong Madanrting kidei ban wan rah artad ka certificate shaphang ka jing'long jingman jongki na ka ka shnong kaba ki sah mynshwa ne ha uno uno u dkhot jong ka Executive Committee ka shnong Madanrting.
2. Kino kino kiba kwah ban aiwai ia la ka ing lada kiba shong ne bymshong ha shnong Madanrting, shwa ba kin aiwai ia la ka ing ki dei ban wan pyntip ryngkat bad uta ne kata kiba kwah ban shongwai, sha u Rangbah shnong uba lah ban ai jingbit ia ka'a hadien ba u la shem ia ka jingshisha ba u lah ban ai jingbit.
3. Kino kino kiba wan shongwai ha shnong Madanrting ki dei ban da teh ia lade ba ki dei ban kohnguh ia baroh ki jingpyniaid shnong.
4. Lada u Rangbahshnong u shem ba ki trai ing ki khlem wan ai jingtip sha u ia ka jingaiwai ia ka ing jongki, U Rangbahshnong un um pdiang ia kano kano ka

jingwan ud ki trai ing hadien ha bud lymda ki shwa ia ka kuna kat kum ka jingoh dor u shnong na ka bynta ka jingpynkhein ia ka Riti shnong.

5. Halor ka Section 4 haneng, ka shnong hadien ka jingai jingmut u Rangbahshnong kan ym kit khlieh ei ei lada jia ka iap ka im ne ki la siew ia ka kuna kumba la ong.
6. Na ka bynta ka jingiaid ryntih ha ka liang ka rukom aiwai ing ha shnong ka Executive Committee ka lah ban thaw kano kano ka kyndon jingteh tangba kata kan ym ia pyrshah ia kano ka Riti.

## ARTICLE XVIII

### KA IAP BRIEW HA SHNONG :

- 1 (a) Haba jia ka iapbriew ha shnong, kata, haba iap ki khun Khasi-Pnar ki trai ing ba don ka jingjia ki dei ban leit ia thuh sha uno uno na ki Nongmihkhmat sha ka Executive Committee na ka Block jongki bad sha u Rangbahshnong bad lada jia ba u Rangbah shnong um don un leit iathuh sha u Assistant Rangbahshnong, bad lada um don un kit khlieh u nongmihkhmat na ka bynta ka jinglum pisa iap briew ha shnong.
1. (b) Lada jia ba iap u ka shongkha jong ki khun Khasi-pnar ka shong ha ka jingsngewbit jong kata ka ing kaba don ka jingjia la ia ka kam ban pynkhuid ynkit da ka shnong ne em.
2. Lamda ki trai ing ba don ka jingjia ki ong da kumwei pat, u Rangbahshnong ne Asstt. Rangbahshnong ne dkhot ka Executive Committee, un phah lum pisa na shnong lyngba ka Register khrong iapbriew ha kaba u ruh un da soi ia kata ka jingphah. Ka pisa ba mih na kaba lum ha shnong kan leit sha ki trai ing ba don ka jingjia.
3. Lada jia ba don kano kano ka jingiap briew ha kano kano ka Block hapoh shnong, kadei ka kamram jong kata ka Block kaba don ka jingjia ban kit khlieh ia ka jingpynkhuid ia ka met-iap lada dei da kaba shu tep ne

shu thang. Kan ym don kano kano ka jing khang lada kiwei kiwei ki Block ki wan ba iarap. Hynrei lada jia ba iap kumjuh ruh ia ki Ex-Rangbah shnong kadei ka kamram jong baroh ki block ban mih sha ka jingpynkhuid ia ka metiap.

ki rangbah nongkitkam, ki nongmihkhmat sha ka Executive Committee, hapdeng ba ki dangkit ia ka kam,

4. Lada jia ba kadon kano kano ka jingiap briew ha kano kano ka Block hapoh shnong, kadei' ka kamram jong uwei pa uwei u khmat Rangbah (uba la lah ban long u dkhoh ka Dorbar shnong) na kawei pa kawei ka Dpei ing ha kata ka Block ban ia mih bad shimbynta ha ka jing pynkhuid ia ka met iap. Uno uno u bym mih bad shim bynta khlem ki daw kiba shongnia u Rangbah-shnong un pynshitom a u da kaba shain kuna katkum ha jingpynkupbor ka Article - XXIV.
5. Kadei ka kamram jong ki Rangbah Nongmihkhmat sha ka Executive Committee na kata ka Block ba don ka jingiapbriew ban shim ia ka kyrteng jong kito ki nongmihkhmat naman ka Dpei Ing ha kata ka Block shwa ban don ka jingpynkhuid ia ka met iap. Ka dei ka kamram jongki ruh ban pyntip sha u Rangbahshnong ia kito kiba pep khlem ki daw kiba shongnia.
6. Kadei ka kamram jongkito ki bymlah ban mih bad shim bynta sha ka ka jingpynkhuid ia ka met iap ban leit ia-thuh ryngkat bad ki daw kiba shongnia sha ki Rangbah Nongmihkhmat sha ka Executive Committee jong ka Block jongki. Kito ki Rangbah Nongmihkhmat kumba ka long kin rai la kata kadaw ka long kaba shnongnia ne em Kano kano ka daw kaba kim sngewiahap jingmut kin pyntip sha u Rangbah shnong uban lah ia kaba donkam.
7. Kano kano ka jingjia iapbriew ha shnong, ka jingpynmih paidbah na ka bynta ka jingpynkhuid kan long da ka jingpyrta shnong ia kaba la iohbor na u Rangbahshnong ne u Rangbah ba la sibor da u.
8. Kino kino ki jingjia jong ki jingiap kiba ymdon kat kum ki kyndon kane ka Article, u Rangbah-shnong un rai kumno yn leh ia kata.

## ARTICLE XIX.

### LUM JINGTEP/JINGTHANG SHNONG :

1. Kano kano ka jingthang/jingtep ha u lum Jingtep(jingthang ka shnong dei ban da ioh jingbit na u Rangbah shnong.
2. Ym shah iano iano ban tei mot ne ker ia ka jingtep/jingthang ha u lum jingtep/jingthang ka shnong.
3. Kino kino kiba kwah ban thang ha la ka jong ka khyn-dew ka shyiap kilah ban leh kumta tangba kata ka jaka thang ka dei ban long haruh shnong.

## ARTICLE XX.

### U SNEM TREIKAM :

U snam trei kam ka shnong Madanrtng un long naduh ka 1st January jong u snem bad kut haduh ka 31st December jong u snem uba bud,

## ARTICLE XXI.

### KI DULIR (RECORDS) KA SHNONG :

Ki dulir jong ka shnong kin long kine harum lem ruh bad kiwei kiwei pat kiba ka Dorbarshnong ne ka Executive Committee ki rai ban pynlong na kawei ka por sha kawei pat)ka por :—

(i) Ki Rai Dorbar shnong (ii) Ki Rai ka Executive Committee (iii) Ki rai ka Dorbar u Rangbahshnong (iv) Cash Book (v) Ki kot ki sla kiba iadei bad ka Fund shnong (v) Ki kot iadie ia thied jaka puta ka shnong (vii) Ka stock register jong ki tiar ki tar shnong (viii) Ki official records ka shnong.

## ARTICLE XXII

### COMMITTEE IASYLLOK :

Kan don ka committee ia kaba yn khot kyrteng ka COMMITTEE) SHNONG kaba kynthup la kumno kumno iwei long kmie naman kawei pa kawei ka Dpei Ing ha shn-

ong ryngkat bad ki dkhot ka Executive Committee ban ai jingmut ia ka Executive Committee ne ka Dorbar shnong shaphang kumno ban kyntiew shaphrang ia ka shnong ka thaw ha/ka imlang shahlang. U Chairman jong kane ka committee unlong u chairman ka shnong bad u Secretary jong ka unlong u General Secretary ka shnong.

## ARTICLE XXIII.

### KI BLOCK HA KA SHNONG : )

Na ka bynta ka jingryntih ha ka jingpyniaid shaphrang ia ki kam shnong kam thaw, yn phiah ia ka shnong Madanrt-ing ha ki lai tylli ki Block kumne harum :---

**Block A :** Kan kynthup ia kito ki jaka kiba hap hapoh une u pud u sam harum :---

Na Lum Khyllon sha Kjat Ramhah, Mynsain Jynriew bad Demthring. Na Demthring sha mynsain Khyiem bad Kharkongor ia shem bad ka surok Shillong Jowai. Na surok Shillong-Jowai u hiar haduh ban da ia shem bad ka Lynti Pata kaba leit ter ter haduh Wah Umkhen bad na Wah Umkhen ia kynduh bad u Lum Khyllon.

**Block B :** Kan kynthup ia kito ki jaka kiba hap hapoh une u pud u sam harum :---

Na ka jaka ba ia kynduh ka Surok St. Peter bad ka lynti Pata u pud u iaide ter ter haduh ban da ia kynduh bad ka surok Pdeng Shnong. U pud u iaide ter ter bad kiew ia ka Surok pdeng shnong No. 2 haduh ban da ia kynduh bad ka surck pdeng shnong No. 1 bad haduh ban da ia kynduh bad ka Surok kaba noh sha Wah Umkhen bad na Wah Umkhen ter ter haduh ban da ia kynduh pat bad ka lynti Pata.

**Block C :** Kan kynthup ia kito ki jaka kiba hap hapoh une u pud u sam harum :---

Na ka jaka ba ia kynduh ka Lynti Pata bad ka surok Shil'ong Jowai u pud u iaide ter ia ka surok Shillong-Jowai haduh Bandstand suh sha Wah-tipthoh bad Assam Rifle ia kynduh ia kynduh bad ka surok ba noh sha Wah Umkhen bad jam sha ka surok Pdeng shnong nangta kiew ia ka surok pdeng shnong No. 2 ter ter haduh ban da ia kynduh bad

ka surok St Peter bad ia'id ter ter shaphang shathie lam  
sep'ngi haduh ban da ia kynduh bad ka surok Shillong-Jowai.

#### ARTICLE XXIV.

##### KA KUNA :

1. Kino kino ki bor shain kuna ha shnong kidei ban  
sngewthuh ba ki dei ban shain kuna tang katkum ka  
bor ba la pynkup da ka Synod ne kiwei kiwei ki bor  
Sorkar kiba dei ban leh kumta na kawei ka por sha  
kawei pat.
2. Kano kano ka kuna ba la shain da ka Dorbar shnong  
lymda la pynshai da kumwei pat, shiteng kan leit sha  
ka Fund shnong bad shiteng sha ka Dorbar u Rangbah  
shnong.
3. Lymda la kdew da kumwei pat ka kuna ba la shain da  
ka Dorbar u Rangbahshnong kan leit hi sha ktaa ka  
Dorbar.

#### ARTICLE XXV.

##### KA KYNTO SHNONG :

1. Na ka bynta ka jingpynmih paitbah ha shnong yn ym  
shah iano iano ban kynto shnong khlem ka jingtip bad  
bad jingaibor u Rangbahshnong ne uno uno u briew ba  
la aibor da u Rangbahshnong. Lada shem iano ina  
balch pyrshah ia kane yn pynshitom da kaba shain  
kuna ne da kano kano ka dur katba ka shnong ka  
sngew dei ban leh.
2. Ymbit mano mano ban pynthut, pynwit, krenbein ne  
lehibein ia ka jingpyrta shnong kaba la iohbor. Lada  
shem iano iano ba leh kumta yn pynshitom kat kumba  
ibit ka shnong.

#### ARTICLE XXVI.

##### KA JINGPYNKHUID NE JINGPYNBHA IA KI LYNTI SYNG- KIEN SHNONG :

1. Na ka bynta ka jingpynkhuid ia ki lynti ki syngkien  
shnong ka Executive Committee kan thaw la ki kyndon

jingteh kiba ki ban long hapoh ka dur jingpyntrei kam jong ka RITI shnong kumjuh ruh shaphang ka jingkoit jingkhiah bad ka jingkhuid jingsuba ka shnong.

2. Shis'en ba ka don ka jingkynto paitbah na ka Executive Committee shaphang ka jingpynkhuid lynti syngkien shnong kadei ka kamram jong uwei pa uwei u Nongmihkhmat na kawei pa kawei ka Dpei Ing ha shnong ban ia mih bad shim bynta ha ka jingpynkhuid shnong. Lada uno uno um lah ban mih bad shim bynta khlem ki daw kiba shongnia yn pynshitom ia u da kaba shain kuna. Ia ka kuna kaba mih na kane ka bynta shiteng kan leit sha ka Fund shnong bad shiteng sha ka Dorbar u Rangbahshnong.
3. Ha ka jingpynkhuid ia ki lynti ki syngkien shnong kadei ka kamram jong ki Rangbah nongmihkhmat sha ka Executive Committee ban peit bad shimkyrteng ba ki briew na ka Block jingki kiba ia mih bad shim bynta. Lada ki shem iano iano ha kiba pep khlem kidau ba biang ha ka jingsngew jongki kin pyntip sha u Rangbahshnong ban leh ia kano kano kaba donkam.

## ARTICLE XXVII.

### **KABA IADIE ING DIE SEM NE JAKA PUTA :**

1. Ym shah iano iano ban die ing die sem ne jaka puta sha ki bymdei ki Khasi-Pnar.
2. Shuh shuh halor ka Section 1 haneng lada ka jingiadie ia thied jaka ne ing ka long ne ka bynta ka jingpyadonkam kum ka skul, Jingmane ne lum jingtep/jingthang ka Executive Committee ka lah ban ai bor lada ka shem ia ka jingdonkam ba ka long kaba shongnia.
3. Lada shem ia kino kino kiba leh pyrshah ia ka Section 1 haneng yn pynshitom ia ki da kaba tait shnong lada dei ki Nongshong shnong jong ka shnong Madanrting bad lada dei pat ki bym shym shongshnong ha Madanrting hynrei kiba shu don tang ka jaka, ka shnong kan ym kit khlieh ne shim bynta ei ei lada don kano kano ka jing iakajia halor ka jingiadie iathied hadien habud bad kam dei ruh ban aibor ne recommend ia ka jing-



thaw ing thaw sem ha kata ka jaka bala iadie ia thied  
bad kumjuh ruh ban ym ai kano kano ka bynta kaba  
kum ki trai nongshong shnong kidei ban ioh.

## ARTICLE XXVIII.

### KA JING AITI KAM AITI JAM KA EXECUTIVE COMMITTEE

1. Hadien ba ka Dorbarshnong kala jied ia ki Rangbah Nongkitkam bad ruh ki Rangbah Nongmihkhmat sha ka Executive Committee, ka dei ka kamram jong u General Secretary uba rim ban pyntip sha u Syiem na ka bynta ka sunod u Rangbahshnong bad ban pyntip shakiwei kiwei ki bor na ka bynta ki nongkitkam bathymmai ka shnong.
2. Katba u Rangbahshnong bala jied thymmai da ka Dorbarshnong umpat ioh ia ka sunod, ka jingpyniaid ia ka ka kam shnong kamthaw la ha synshar ne bishar kan long da u Rangbahshnong bad u General Secretary kiba ha shwa ka jingjied thymmai.
3. Tang mar ia ioh ia ka Sunod jongu Rangbahshnong, u General Secretary uba rim un khot kloil an ia ka Executive Committee ka ban kynthup ia ki dkhot kiba rim bad thymmai. Ha kane ka jingiakynduh kan don ka jingaitikam aitiagam hapteng ki Rangbah Nongkitkam ki barim bad thymmai bad kumjuuh ruh hapteng ki Rangbah Nongmihkhmat sha ka Executive Committee kiba rim bad thymmai. Ka jingaitikam ka mut ka jingaiti ia ki seal, ki kot ki sla, ki tiar ki tar bad ki Officeial records jong ka shnong bad kiwei kiwei ki bynta kiba ka ka Executive Committee ka sngewdei ban leh.
4. Ka jing'rei kam u Rangbahshnong bad ka Executive Committee kaba thymmai kan long naduh ka sngi ba la aiti kam aiti jam.

## ARTICLE XXIX

### KA KYIAD BAD KA KHALAI :

1. La khang pyrshah ia kano kano ka jingdie kyiad bad jingbuaid kyiad kat kum ka Execise Act jong ka Sorkar Meghalaya ia kaba la pyntrei kam na kawei ka por sha kawei pat.

2. La khang pyrshah ia kano kano ka jingiakhelai ha shnong kat kum ka Gambling Act jong ka Soikar Meghalaya ia kaba la pynjari na kawei ka por sha kawei pat.
3. Lada shem iano iano ba leh pyrshah ia ka jingteh ha ka Section 1 & 2 haneng, u Rangbahshnong un pynshitom kat kat ba shnong ka ain.
4. Ka Executive Committee kalah ban thaw ia ki kyndon jingteh kiba iadei bad ka Kyiad kumjuh ruh ka khelai bad kita ki kyndon jing teh kin ym long kiba pyrshah ia kane ka Riti

### ARTICLE XXX.

1. Ym shah ia kino kino ki kynja Club/Association/Society (laitnoh ki political parties) ban seng ha shnong Madanrting khlem ka jingiohbor bad jingmynjur ka Execituve Committee.
2. Ym shah ia kano kano ka seng niam ne seng pyrthei ban plie ia kano kano ka jinghikai skul (Educational Institution) khlem ka jing ioh bor na ka Execiutive Committee.
3. Kano kano ka jingpynkhein ia kano kano na kitei k' ki Section ha neng ka Dorbar shnong kan nai hi kumno ban leh ba pynshitom kum ia kita.

### ARTICLE XXXI.

#### **KI KHLAW KI BTAP :**

Na ka bynta ka jingheh khlaw eh hajan shnong kaba lah ban wan rah ki jingmysaw ia ki ing ki sem ha shnong, u Rangbahshnong un hukum ia ki trai khlaw ba kin shain dieng bad pynduh noh ia ki dieng kiba hajan ing jongki nongshong shnong. Ka Executive Committee kan thaw ia ki kyndon jingteh ha kane ka bynta lada ka sngewdonkam na ka bynta ka jingbha jong ka imlang sahlang.

ARTICLE XXXII.

KA JINGAI JINGBIT HA KABA THAW ING THAW SEM :

1. Kino kino kiba thaw ing thaw sem hapoh u pud u sam ka shnong Madanrtng kidei ban da ioh ka jingbit na u Rangbah shnong kaba da ia soi ryngrat bad arngut na ki dkhot ka Executive Committee ka shnong Madanrtng

ARTICLE XXXIII.

KABA PYNBEIT : THAW THYMMAI : WENGNOH IA KANO  
KA KYNDON JINGTEH KA RITI SHNONG (AMENDMENT)

Dei tang ka Dorbarshnong kaba la kdew ha ka Section 2(i) jing ka Article V kaba lah ban amend ia ka Riti Shnong bad kata ruh kan long lada hynniewphew san na ka shispah na kiba wan sha kata ka Dorbar ki mynjur ban leh kumta.

